



受祺堂詩卷之一

中南山人荆東李因篤子德著

老人諺 并序

予聞此諺垂三十年其音亦稍變

老人語櫛中緒

雲諺 并序


予聞諸老農驗若影響然惟渭北如此稍變之

雲之西

西古音先

雨湧泉雲之南水傾潭雲之東佇立

空雲迤北耕獲得



予聞母之訓諸孫也引諺如此敬識而聲之

巧自巧問三老拙自拙恥人說

訓子諺 并序

母訓子婦有曰

饑來須耐籽粒長在寒來須當畱作客裳

朝雨謠 并序

聞之田峻

朝雨雖雨不雨老健春寒秋暑

雲謠 并序

聞之隴上待雨者

橫雲不雨縱雲雨願為東風吹送汝

擬猛虎行

寧從猛虎行不從野雀栖猛虎恣咆哮野雀嬌且

啼

甲子諺 并序

舊諺以甲子為干支之首忌雨倒其句入

韻

春雨甲子赤地千里夏雨甲子操舟入市秋雨甲子禾頭生耳冬雨甲子雪瘞羊豕

甲申諺

并序

亦聞之老農取雨為韻漢有此體
四時不取甲申雨

中秋諺

并序

聞之席上高年稍易之為韻

八月十五雲遮月來年元宵燈晃雪

旬諺

并序

聞之老農易數字

壬子癸丑甲寅晴五旬之中宵見星
戊午至甲子七日行泥滓

元宵諺

并序

此諺自童時聞之易一字為韻

風吹十五月雨灑清明節

六日諺

并序

聞之高年屢試皆驗

六月六日雨菜根遭蟲蛀

山水謠

越重山跬步間隔一水如萬里

路傍謠

終身讓畔日算幾段終身讓路相距幾度

星諺

星瞬日雨侵屋

畢星謠

大餅注小餅溢為雲水聲其下如建瓴

後猛虎行

饑不從猛虎食猛虎仍在深山側猛虎有時捕野

雀險于虎

遊子安野雀自言百年樂野雀高飛可奈何駕車

馳馬前山阿

擬魏武善哉行次元韻

我生嗟衰

一作薄

祜世患遘急苦鴟鴞鳴其門鴻鴈

弱無語

一作解

室荒前訓悲來痛何怙矜歎不自量

子居其孰與

二解

漂搖者如是夙願逐零雨汨沒于

風塵行藏罕能睹

三解

白榆晝在天冬虹交其左潛

將畢初期悅行終流楚

四解

于人易所因中道難自

敘高明非一塗古之各有緒

五解

吾適亦何嘗徒憂

反無處安得秉我心于丹淵祛垢如墜雨

六解

擬古詩十九首

栖栖將焉栖遠遊心易悲情契在君子不圖中自
違淒然霜露凝歲月亦已非晨風號西陸旅鴈奮

南歸冉冉以相偶行行忽在後朔氣生積陰悲君
乃蒙垢道長永棄絕潛意于林藪慷慨苦不極夙
懷難具剖

爰爰路傍兔交交枝上鳥栖栖行役子靡靡委秋
草鏘鏘鳴和鈴鬱鬱傷遠道管作鴛鴦遲今成牛
女早牛女歲相逢盛顏難自保

蔚蔚園中柏峩峩道上石哲人一長徂飄忽時代
圻天運如循環白駒迅過隙百年復幾何勞意營
朝夕吾欲策駑馬與君馳且射道旁有廢圃云是
王侯宅畫棟朝入雲長楊暮成陌歡來儻不醉過
此徒相惜

美人歛枉駕顏色青雲姿肆筵鳴錦瑟朱鳳託遺
辭玉體揚德音中情亦在茲小心自避謝邂逅初
見知嘉會難久戀策名各及時願言奮高翮天路
同所期賤子揣薄陋潛身歸東菑

飛閣延朝陽四隅垂丹梯鳳皇巢其顛桂樹夾道
齊之子抗雲端當樓理清機三歎投杼起出入嘗
苦悲寧作陌上草不爲蕩子妻草枯有時榮蕩子
無還期何惜妾心苦但恐君情非焉得如候雁應
時歲來歸

受補堂詩卷一
隔水望蒹葭芙蓉生相偶伊人天一方夙昔展情
厚遠道乖所期流離浩奔走回顧無同心太行障
北斗

嚴霜澹朝暉古木秋盡赤東望首陽山白雲何奕
奕往時二餓夫千載傳遺跡念此爲沈吟中懷不
得釋披裘道間老姓字寧自惜吳札乘人倫所言
何乃迫驅車自茲遠不知蠻與貊君子鑒明義素
心如夙昔

默默澗下草幽居無與鄰自君謂我芳移植連栢
筠栢筠同一體交結同一身逝水判不屬茫茫難
爲津獨行使道遠良會無由申倉庚昨夜辭白露
盈今晨歲月倏云暮徒傷毛髮新思君生高翼夢
見亦相因

堂前蓄好鳥翠羽妍朱唇自教爲語言日久聽其
真欲假晨風力託之告所親路長險且阻羅網恐
見陳

高高天上烏子子姮娥子輝輝弄素杵灼灼團金
藥弦望皆有時德音互不已清光虧復滿安知所
終始皇皇九道間汲汲還復爾

臨岐折楊柳藹藹春未晚雨雪忽霏霏君行不顧

返離居聊放意對酒日以淺四望無知音絃歌久
自遠願比雙鴻鵠飛鳴共相善

層城霄漢間第宅鬱盤曲落葉浮遠楹飛霜忽盈
屋人生戀故里但感流年速朔馬鳴其風秋蟬處
于木曠懷寄忠厚庶以安幽獨關塞多新聲繫車
恣所欲倩妝來好女絲管互追逐期子未敢言指
繁音相屬深衷被顏面偃蹇更結束賴有賢主人
高堂繼明燭

沾衣雙華東遂出五原路松柏何離離鼠狐跳古
墓嗟哉下世人戚戚可誰訴千載一寒暑焉知朝

與暮茫茫天地間躑躅復何故託命似春草還如
花上露榮名潤金石少壯徒自誤海上三神山風

吹不得渡但當攜所喜荒宴以爲務

神山一作仙山

戚日嘗苦多歡日嘗苦遲昔所欣故舊相拚忽如
遺取酒澆汝墓黃泉莫能知種樹猶昨日離離漸
成圍感時懷故鄉展轉復何之

丈夫輕離別怕有萬里期年往畏道長欲辭先自
悲分手朝復昏振綏還相因徬徨泣永夜所重平
生親緬彼何梁篇悠哉絕等倫

迢迢歲方始俛仰天一隅鴻雁忽復至故人無尺

書盛時不再得爲樂良獨殊會面日以少恩情儻
中疎思君到累夜百慮空躊躇昔初交接託歡
若連株旣來結同根相顧忘薄軀大義永自保綢
繆還相如春風起往道湛露明吹噓浩蕩江湖間
長爲比目魚

良辰見春性旦日何皎潔獨坐知晝長懷人展怡
悅三陽衆草賁四陽蘭蕙發寄書與故鄉欲語先
氣結入門含悲辛出門迫契濶流涕滿書中客心
縈百折好修同瞿瞿無使芳樹歇

期我流水涯一罇在其後高言相對剖逸氣振林
藪持以白玉壺酌之黃金斗南山雕異文芝草結
睂壽指陸臨洪河誰能致不厚
芳草何濯濯下車言采之愁多不盈把去路嗟透
遲苦辛將其迹因物寫我懷踟躕無使寄坐歎忽
經時登高酌百觥結志同前期

擬古詩五首

流蕩天一涯故人與我違故人體情恕相勗結新
知不樂新相知悠然憶臨岐臨岐如昨日鬢髮一
朝衰君遊蘭池上心中懷我悲庭陬翠鳥集坐惜
羽儀垂羽儀苟不就焉得摩天飛飛飛橫四海永

受祿堂詩卷一
九
與故人期

有客登我堂自言來遠方
貽我明月綺爛然列星
光上垂百象寶下繡兩鴛鴦
五色何煜爚葳蕤奪
流黃天孫爲此綺織女成七襄
文彩親手作合歡
義相當披帷萬餘里宛轉充君牀
徒倚不果居空
憐兔絲長

送客遠方去附之尺素書
眷言無別語相勗以其
初自惜結交晚乖違
希定居思君渺何所
夙好中
躊躇還顧別時道
淚流如連珠

明明河漢水照我羅衾
裊錯繡似奇鳥揚縹從水
流空牀生夜寒展轉有千憂
獨歎彼行子忘歸何
所求

孤竹生深巖繁霜乃獨榮
高節良自固坐歎蕙草
零遊子曠天隅欲歸多棘荆
自愁盛年移顛頓空
復情膏沐豈不妍誰能爲姿形

擬古詩三首

玄鶴潛異彩僻居在西極
荷君得高遷騫翥自努
力託命親前庭馴遊以報德
棄捐自中道使共凡
鳥食君問王子喬藉予爲消息

結髮辭嚴親與君爲匹儔
燕婉未及寧前綏行遠

遊空庭駐暮雲高樹風脩脩蒲自池中出萍來塘
上流潛魚泳其水旅鴈鳴其秋鴈為綵帛下魚為
素書畱書帛同時發庶將獲所求日歸日延佇聊
用忘我憂

北園春草生楊柳冒清沼素手折其枝臨風悲窈
窕行行轉自却上有雙棲鳥薄命委路隅感茲傷
懷抱含情無可言鬱鬱憶長道

擬古詩一首

浮雲在東北嘗恐相棄置雙鯉江漢流故人附書
至振衣望關隴關隴高難攀願作齊飛翼乘風歛
來還

牛女行

天邊河漢不盈沚坐隔牛女成彼此夜長長聞機
杼聲三日五縑空爾爾南箕北斗鬱昭灼總使負
輓欲何以安得豐城雌雄劍掘乾青霄一池水願
為夫妻如秦徐無為朋友如蘇李浮雲交態易輕
薄執手河梁焉能比

壽外祖

六月廿六日

雨過微風善長天一色新娛情非帶紱託興有松
筠栗里幽居徑桃源絕俗津罄懽躋魯酒同庇綵

衣春

外叔祖嫖姚公南征先生荆園蜜蜂數十隊
不呼自至同賦

蜂房十餘所麝集應佳辰野託幽棲計天畱故國
身開軒依日月感物見君臣百卉花方聚趨工正
及春

覓外伯祖侍御公疏草不得悵然有作卽寄

十六舅

北極頻迴首西臺久罷登諫書遭亂失遺直到今
稱歲月都非故滄桑莽復仍家聲存舅氏幹蠱自
堪憑

從舅上則先生舅母徐氏孝烈未旌值邑人
彙鄉賢有感

慷慨悲吾舅從容感令妻環墳流水咽抱郭斷雲
低子子青燐見雙雙彩翼啼豐碑仍有待俎豆莫
長迷

先外祖見背後青門諸友迎至西郊旅次感
懷

緬仰龐眉座追隨總角年吞聲淹宿雨漬淚瀉春
泉悶解城西榻愁移渭北天遺書時展誦手授跡

猶鮮

過前中尉子斗先生舊第有感

碧瓦堂還在金閨籍已更萋萋秋草合慘慘暮霜
明一老悲劉向三閭弔屈平城南尋別墅轉託舊
坊名

聞劉閣學客生先生定逝並難兄遠生司馬

亦亾

出境拋儒服投荒跨戰鞍賈生長名對匡鼎竟休
官瘴海遊魂渺江湖返櫬難賢兄曾並出祭酒亦
同壇

卽事悼外叔祖嫫姚公

竟作林臯計全忘棨戟秋能詩推靖節破產憶畱
侯鴻鵠期終遠麒麟願未酬彥昇饒義故妻子尚
含愁

潘二大光宅感舊

安仁多難後弱冠早從戎赤紱藏垂敝黃金散屢

空猶思雙澗月未涉五陵風

潘嘗寓
敝廬

倦客初歸臥

飄蕭若轉蓬

題前中尉仁宇翁贊

幽棲而絕塵者高士之躅耶烏巾而緩帶者野人

受福堂詩卷一
之服耶湛然秋空不凝纖翳者其虛中如谷耶怡
怡自得等富貴於浮雲者其清標如玉耶跡已遠
於金閨心不存於華屋耶雖垂翮而遐舉爲冥鴻
逸鵠耶亦凌霜而獨立比喬松修竹耶嗚呼斯人
不可作逝者何蹙耶隆準而虬髯或髣髴於圖象
之蕭蕭耶倘寶玦珊瑚尚在其長襦耶

題世胄都指揮使崔公汝明象

高皇養士三百秋衛帥食恩等通侯銘鐘書帛列
上第玉案金罇羅羣羞一朝河上度欖氛虎嘯嶠
函不可聞赤幟無色鼓聲死嬰城惟有崔將軍將

軍開國世家子輕裘緩帶談經史吹篳時過大司

農

謂公兄抑菴尚書

北斗西豪俱在此昭陽之冬月無陽

野鬪豺虎色玄黃決背不知有鋒刃疾呼白日生
冰霜臣矢已窮力戰久側身誓天不相負已拚先
濺侍中血寧料如生元帥首紛紛侍衛盡同朝今
何蕤萎昔何驕朝行出攻暮不返歲寒松柏乃後
凋後來傳疑未傳信壺祠蠟墓無人問長畱遺像
天地間勇者成仁懦者奮

雙鵠曲懷張二完字

北山高萬仞其下有雙鵠接翼託青雲潛身遺濁

受神堂詩卷一
俗一鵠歛西飛飛悲局促却顧平生居爲懽苦
未足新知在霄漢竭力當自勗因風寄舊侶勉臥
春苔綠

青門道院聞晨鐘

遠空高響落微微笙鶴聲中細認非已冷宿心潛
觸發猶憐長嘯久遲違誰家悽絕頻停杵旅榻徘
徊數攬衣粉黛漢宮銷歇甚催妝莫到景陽扉

清明長安寓中憶先子

孤墳望望隔萍灘洒掃逢期淚不乾素業久荒春
復暮青袍垂敝書多寒未辭懷抱拋遺早曾接音

容想像難更念北堂違母側臨風迴首白雲端

旅夜追思外祖高士田公漬淚成八百字

憶我方襁褓呱呱失所天舉家依外氏銜恤荷翁
憐膝下親授讀會心亦偶然解頤道我穎嘉譽爲
之延時值翁暫出走趨必隨肩道傍買果餌怕累
傾囊還五歲就小塾攜持行相聯竹窓伴夜誦湯
餅嘗滿前未夕來促坐中星屢移躔嬌癡至觸首
起立多板牽八歲通制義濡毫預羣賢執經儼侍
側諄復破言詮十歲解小論初成雲臺篇彙陳中
興佐提掇冠鄧偏展視雙眉動方諸萬斛泉追隨

侍御宅習禮叨賓筵謂我尤強記藏書腹已穿諸
賓半疑信卽席分彩箋哦畢賈董策續賓咏甫田
賓驚起舉爵剩酒沾喉咽始試崔明府虛聲自此
傳日中呈數藝稱我似青蓮翁喜賦神駒至今猶
待鑄入門呼我母相顧淚潺湲豈料驚流羽潢池
溢河漚督師剛自用羣帥久驕眠使過乖緩急乘
之以糾虔兼聞迫吏議猝發踰更絃頗訝困積雨
饑兵弛空拳哀哉驅光甲十萬耀錦鞵狼狽俱北
走所經絕炊烟奔亾爭昏濟半奪大將船瀕洞關
蜂坼蒼黃秦社遷兇渠忽僭號僞檄遙騰邊勒限
入仕賊青門故高寨敢違投鼎鑊從卽被旌旃人
命細若草血流漂長川叢竿聚揭首載道堆肢骈
百輛殷赤輅浮屍飽烏鳶侵晨掃其跡抵暮仍委
填畏禍甘苟免新裝或增妍纍纍何若若濟濟歛
翩翩翁竟解儒服誓將逃舊廛親交喧衢巷悚怵
日百千飛霰舞盛夏不寒而栗焉路傍尚惕息何
况瀕倒懸客語電霆急翁心金石堅龐公終匿跡
尚子託遊仙溪壑賊未厭酷刑按金錢縉紳並罹
害翁旅俄株連數欲偕我去潛居北山巔拋家輕
敝屣不復稍纏綿亂定後歸里窮栖纔數椽艱辛

煩翁慮絡繹問每專猛志人共嗤狂吟世攸捐髮
髦期挺達三十尚迤邐悵結因致疾膏肓賴翁痊

外祖兼精岐黃

迨翁遭虐厲環側影空駢荒忽屬續頃目

張憂心煎舉頭喚我仲生理增迴沿駟隙那可駐

義和違停鞭泰峰一以頽零露晞芳荃秉道節獨

苦遺文塵盈編藐孤戴覆憐沈痛難具宣黃鳥悲

莫贖白楊響新阡承恩字罔極受業仗陶甄宿昔

贈我句唐虞許周旋

神駒篇有天柱地維等語

寧知遘板蕩柄

鑿違方圓翁性最溫裕競絛無一愆及夫臨事斷

卓識秉幾先世俗矜所愛嘗思其飛騫惟翁著隱

德教我安胝胼困學雖難就潛修庶苟全雙丸互

馳逐四序何乃遄勿論忍終窶泥塗嗟蜿蜒總教

足蔬食龕綌聊蔽屣誰與寄斯信達之於九淵得

翁舒積抱歡笑比當年存沒永棄絕夢魂希繇緣

依依瞻隴樹洒血類啼鵑

秋興八首

西風蕭瑟隴雲游沃野黃圖一氣秋地濶河源寒

白瀉天清華掌翠同流烟霜漸老伊人色日月猶

懸故國愁搗練聲悲搖錦樹長安獨倚最高樓

芙蓉苑側駐新軍鼓角喧聲劇夜分邸路遺坊潛

下馬王家故老夙能文

謂中尉君誼

層霄寂寞千門月

列障縱橫萬壘雲碧竹香蘭違歲暮仙舟玉珮冷
同羣

三川水繞翠微開萬壑晴吟野樹哀古殿蒿梁通
覆棟空村石鼓半生苔秋深獵騎抨弓出日晚漁
舟擊擢迴漫對諸峰憐畫巘當年雙闕引蓬萊

皇陂御宿倚林垞杜曲樊川接戶庭落日暮霞三
輔紫多時秋色五陵青南州去後誰懸榻北海歸
來老授經着處關山虛少壯故園風雨歎飄零

雕輪汗馬絡青絲翠羽明珠漾雪姿黍逼故宮秋
正滿鴻飛中澤暮何之浮雲迴首悲關塞返照經
心有歲時蟋蟀多愁音屢變榛苓在望好誰思

咸陽佳氣鬱難消渭水清流晚自潮皎月猶連京
兆驛黃沙已合灞陵橋蒼然霜露蒹葭靜峻極崑
崙琬琰遙百世金滕藏秘簡三開玉葉本同條

江頭池館靜含虛水荇離花照客車采地縱觀周
召邑滄波高枕漢唐渠春期未歇商飈後夕宴長
明曉漏餘藉草徵歌今不再撫時懷古一躊躇

丹霄紫極未央宮宿霧疑嵐太乙通古甃荒臺殘
野戍健兒哀角和秋風金門想像長楊下粉堞淒

受祺堂詩卷一
迷暮雨中道路空嗟鷗泛客乾坤已任鹿皮翁

受祺堂詩卷之二

中南山人荆東李因篤子德著

追問諸將五首

軍都客裏暮春時路傍橋山謁 帝祠鼓角數驚
雙闕夜松楸多損萬年枝迷方雨雪悲行役故國
風雲託夢思一墮烏號龍不返居庸首自潰王師
重關曉柝散無聲九塞同時仰漢旌北向羽書馳
大內南來烽火照畱京丹書自動桑榆色白馬空
聞帶礪盟况說嫖姚讐不共薊門揮涕望援兵
枕戈中土日騷然推轂西征憫數賢忽放金雞開

請室重高牙燾計屯田關雲半壁悲歌裏渭樹千
行涕淚邊憶賜尚方遲反命誰占紫氣劓龍泉
防河一旅誓黃昏謁陛辭行感 至尊中夜鸞輿
臨左掖累朝宗器餞前門塵飛易水師空次 詔
出金臺語尚溫釋甲不須煩繫矢戰場無處賦招
魂

朱幡黃鉞總戎機鐵券金符世不違竟視鉤陳移
帝座難憑河鼓震天威書徵萬國旌旗晚劍隔千
官侍從稀薤露歌來春雨黑哀鷓只傍紫雲飛

舅氏石臣先生詣青門視余旣歸又得一信

感贈

舅氏衝暑來風塵做顏色徒以脊令變涉旬奔走
亟陟岵抱長痛兼之時序逼勒疾又獨還中心常
惻惻客從澗道來迎問知消息開書讀未竟局促
何其極九原含遺恨親黨氣盡塞存亾兩不愜萬
感填胸臆

懷趙趙城明府一鶴

趙舊爲伏
羗兩當令

浮雲馳千里聚散豈有常遊子志行役未能安故
鄉惟念同心友乖離各一方良時難再至奄忽隔
星霜顧非蕙蘭質珍重入君堂靜晝操素瑟中宵

受禪堂詩卷二
展清商黃鵠遠遠別奮風仍高翔感彼離羣鴈哀
鳴動我腸鬱鬱懷宿好行行促嚴裝徐經君舊邸
我馬立徬徨下馬欲何適褰衣還自傷庭戶塵日
積眴眴以沾裳連城聞佳訊尺鯉亦得將每攜隨
出入懷袖襲餘芳悠哉限一水欲濟川無梁何當
追疾鳥振翮墮其旁

潔之伯貞來興善寺

黑雲注韋杜青嶂俱斂翠瀟瀟風雨中二客日暮
至常子增老醜王生近顛頽問酒喧鄰廛燒燈話
往事丈夫意氣深圖大遑矜細安能舍生平苟免
時俗議君看五柳公有寓桃源記幸託素心侶何
辭終夕醉

贈劉大六茹

髯客擔簦至酒酣拔吳鉤絺衣走大雪掉臂凌王
侯避人啟竹策蝌蚪文相樛白云兗州籍

劉有詩
再三問

姓名但道
籍兗州

無乃滄海流世乏虎嘯者吁嗟將何求

羣狙盈前路勸客且復休夷淵稱至德陋巷餓巖
幽養晦道所貴期君追前修

再訪廣東上人卽書觸目

振衣出城南蒐古窮浩野忽經斷隴側時過雕墻

下竄鼠銜金魚跳狐叫石馬飄飄白楊風激和清
淚瀉五岡一叩關幽意同瀟洒藉草聞淨業談心
結蓮社有爲露電移何論形骸假辭去尋復來德
輝堪重把

答孫隱君

大路迴且長崑崙杳殊域重華不可作帝望何由
塞世變紛相乘民勞日以亟積霖生塗潦真宰久
曠職饑溺如當平敢云一士力其咨呼仁人孰是
益與稷邈彼孫登遊高蹤衆莫識蒼蠅聞鳳噉大
笑乃滋惑流俗好危言細儒工外飾遵時在明哲
抱道唯守嘿芝草歌漢恩蕨薇荷周德贈予惟此
語三歎奉嘉則

贈慧徹上人

蜀人爲秦
州諸生

儒冠天水客失路忽逃禪杖鉢寧違衆風塵只自
憐還分同舍米頗費乞來錢感此披荒徑論詩過
皎然

陳二飛溟坐上賦朱鳥

白社栖遲暮

時余寓
興善寺

青芹契約通長川烟樹裏好

鳥霽霞中巧奪雛鸚舌妍分綺席叢主人憐惜久
志却在樊籠

夢康大子元

獨臥懷人迴連宵入夢勞散襟臨北澗攜手步東
臯古調應嘗惜時名亦幸逃歸帆愁歷險疾去慎
風濤

二劉二絕句其一劉八石生

上郡遙看嶺樹重彭城宿望本詞宗客遊南北流
傳賦兄弟才名見八龍

其二劉大六茹

日暮青雲遶澗迴髯翁白首臥莓苔居關本作逃
秦計去魯翻從蹈海來

廣東上人分惠新茗奉酬短句用端明答佛

印韻

幾片春萌泛白波爐烟遶榻漾新蘿瞿曇本色原
無相引出曹溪味正多

酬挺北二兄

凍雨侵晨劇薰風入夜寒離杯方浩浩去路復漫
漫喜託天親在愁詢世籍看故秦邸儀衛正吾兄能倦別
更欲緩歸鞍

永慶菴畱別馮英吾驃騎

花宮秋氣爽繫馬聽松濤不識將軍樹獨憐彈鋏

受補堂詩卷二
五
豪散襟寬禮法高興涉風騷客路歸難待歌聲竟
夕勞

長武趙明府熙工招飲

雅望接難兄

謂伏羌令趙公一鶴

新歡繼此聲一花原並萼

雙璧總連城着七蔬絲嫩傾壺酒味清語深懷舊
好時見玉繩橫

答黃公子仲珍

春申長避地曲水暫停軒豈不悲離別輕車不轉
轅

五日舟次再答仲珍

乍解江亭袂重聞渭曲歌榴花然急雨似染淚痕
多

池陽送邠州蘇使君生紫赴補

春鴻雙澗側忽報使君還相期新豐市躑躅渭水
灣東南羽書急載道行旅艱匹馬來獲曲同人滿
郊關雨霽驪歌促燈深別酒殷詰日將首路歸輪
未可攀

東張別駕延嘏

張蠡縣人時同客醴泉

谷口寒真氣禪房臥客星洗然新掃榻時出舊傳
經木落秋山紫霜浮夕靄青看君垂彩翥何口起

滄溟

並東陳處士似古

張同里人

月落城陰暗秋寒邸漏增羈心搖遠杵別緒亂疎
燈尚有絺衣着裁餘款段乘壯圖知未艾他日問
昭陵

為陳二大行贈麗人次延嘏韻

雨瀉驕寒劇風來雜珮薰眉疎青嶂翠鬢破碧溪
雲顧影圖爭似窺籬菊未分更能歡上客春雪座
中聞

畱別延嘏似古

爾正催裝數余翻叱馭先談深嘗繼夜契合早忘
年共醉黃花酒分攜白雪篇戒車情不愜揮淚晚
風前

九日呈大行

阿房遙繫馬勝友共登臺使節西州近
使君分藩固原未至
佳音北道催溪雲寒自落岸樹晚多哀有約臨雙
澗青尊歲暮開

獨鴿行 有序

五原署中畜雙鴿其雄偶失嶋獨辛苦哺
數雛李子傷之為歌其事

乳鴿雙畫梁聯翩好容儀日暮有烈風雌歸雄何
之矻矻兩三雛鞠養寧自疲新亾銜恤侶子飽母
恒饑賢雄不同行大義甘獨持鴛鴦仲卿墓烏鵲
韓憑枝烏鵲鳴札札每來朝暮隨鳳凰尚不慕凡
鳥焉敢窺

續獨鴿行

有序

陳大夫與余爲獨鴿行其後諸雛旣長散去間有紫衣雄者大肆侵侮數瀕危勁氣凌人座客壯之曰龜不負二詩乎適鴿在戶外余戲謂得毋如客言履闕作聲如相領狀旣而徘徊几席客皆異之作續獨鴿行

宿昔悲獨鴿力劬諸雛幼諸雛紛成飛飛毛華秀各能逐雌雄星散亦何驟子然無復來淒苦加於舊何物紫衣郎驕盈如貴胄肆彼跋扈威數稱巢穴寇可憐孀者門強近不爲救項上毛可頽項下血可鏤使君邦教淳高節世希覲淮海變微禽神明從所授獨坐玳瑁梁曾經春草茂烈日滿丹厓天風吹白晝

春日寄六茹三首

時下榻
余齋

蓬華安良友邊隅寄客身無書驚道隔有夢託情
親地迴蕭關野天遲隴道春暄涼真異候共惜遠
遊人

尚覺文風在翻教客宿違自慚移跬步相望杳容
輝俊鳥寧畱跡神鸞不好飛安知持論者却取見
時稀

最愛芳朝景初移綺席看晨昏垂引分菽水靳承
歡陟屺行行濶循陔事事寒煩君稱壽酒有弟采
春蘭

寄舍弟三首

不畏銜鑣遠嘗嗟舞袖孤瞻雲疎子舍嚙指曠征
途賴汝寬相憶潛修勉自娛數緡分使署風雪抵
家無

僻性耽詩酒幽栖只弟兄饑驅吾忽去子立爾何
成近喜東州客謂六茹遙憐北郭生論心披短褐不
厭啜藜羹

齒序原相亞肩隨忽至今嘯歌兼好友貧病是知
音稅斂春來急冰霜歲暮深養親惟一弟彌感北
征心

喜雨為陳大夫作

有客京兆來黃塵蔽冠屣涕流盈短衣平野盡如
燬自春而徂夏靈雨亢弗被兼苦徵索亟玩時弗
爲理使君聞客言三歎坐復起位高多愆德天運
亦應爾斯須沛禁章引咎修明祀盼蠻達滿城屠
沽爲之已詰晨夏五朔徒步行郊時壇幃旣森嚴
閉縱成條紀忽得車蓋雲當頭疾千里裔裔垂如
注從公出廟始逶迤登北山素服在泥滓吾民瞻
道周淚下不可止勃然興田苗安集及婦子延佇
歌有年錫公以嘉祉

紀別八首

時將往雁門

置酒歲云暮北堂生遠暉數鳥相與鳴寒風厲重
闈慈母就持箸欲言先歔歔出門尚無程問我何
時歸遙遙計往路歷歷詢征衣雨雪勤自保音書
莫來稀長跪聞母言敢不敏庶幾行役亦不遠歲
時寧久違病妻扶下牀相視首蓬飛謂我當引邁
有淚不敢揮

弟從母側來再拜投一竿征駒鳴前庭擔負已出
野僕夫前致辭冉冉西日下要當慷慨去不覺淚
如瀉兄言勤門戶弟言慎車馬

小子復牽衣岐路含百慮不知行何方強欲偕我

御念當遠乖離那忍揮之去悲哉遊子吟斯須哀
樂具中懷如懸旌搖搖不得住依依天屬親撫事
愧童孺

兄馬行在前弟馬行在後愁思各盈懷當言未及
剖平生有微尚與世既不偶閉戶每苦饑謀食憂
多垢夙昔諸故交時能乞升斗庇家且茫然遑復
賚奔走顧此懷中兒念我堂上母隱者樂田園非
希封藏厚

朝辭山中樹暮出山下道四顧生踟躕浮雲互浩
浩鶴鴿依舊羣麋鹿鳴野草歲晚爲嚴裝鬱鬱送
懷抱遊子心多悲遠行亦易老萬里風雪中安能
顏色好當年無所慕求志苦不早誓將謝晨風骨
肉歸相保

矯矯千年松託根垂兔絲結髮事君子綢繆當及
時芳樹亂於風浮雲無定之新心日邂逅豈暇崇
前期空階視春草奄忽遂若茲盛顏日銷歇遊子
何從知

客從故鄉來視我過逆旅長跪向客前將言淚如
雨出門歲云徂貧家無廣貯乞活于新苗所憂在
碩鼠客亦長跼言東作幸有緒春鳥鳴柔桑牛羊

受禘堂詩卷二
散宿渚引手見北原高禾已若許賴知稼穡登不
患兵戎舉他日行邁歸浩歌固其所書札謝未能
平安傳口語

黃昏送客去哀笳鳴啾啾招搖初西指河漢已北
流歸鴈奮長風苦聲呼其儔慷慨無可語寸心煩
百憂蒹葭各有宜姬姜何足求夜深不成寐他鄉
難久留

三皇廟

皇才並與二儀分秀水春生萬古雲草昧久忘開
耒力艱虞彌景建弧勳宮墻五綵龍犀會華表中
宵笙鳳聞一氣帝王恭纘緒垂旒端拱接氤氳

堯廟

朝看姑射白雲叢俯仰康衢帝力雄三極星辰循
舊序萬年茆土見遺宮階舒莫莢春還茂闥走羲
和日正中莫訝箕山樹高節牽流擊壤亦同風

舜廟

堯階近接有虞宮入廟光華氣象同海岱柴巡留
畫粉瀟湘玉珮引薰風旁瞻五聖龍衣肅下照千
春鳳卜雄一自宸遊悲遠駕賡歌無復繼河中

禹廟

受祿堂詩卷二
三
明德悠然疏鑿畱大河奇蹟冠神州驚濤萬丈天
邊噴峻閣孤峰水際浮繡柱蛟龍嘗下出金爐岳
牧自來遊玄圭未告功方始滿日胝胼送壑流

洪洞謁始祖臯陶公廟

故國河山道先公俎豆鄉光華殷際會俊乂畢翺
翔久厭結繩朴深維諸夏防帝初懸象典天豈缺
秋霜董戒雖時具賡歌足並行俗熙追燧葛風動
及遐荒五聖兼推子三謨互贊皇肇封延本系遺
廟啟康莊閣曉鐘音肅檐春日氣昌碧梧凌漢秀
仙李託根香冕紱先元凱丹青接拜颺高雲還繞

冀大社已崇唐隴水源流濶汾川爵里長逢人詢
舊齒下馬式前坊篆老龍鱗護陰清鳥跡光柯條
仍奧博譜牒半存亾尚庇餘暉紫潛修奕葉芳采
繁應合薦糾族幾同堂殿角頻迴首階除更拂裳
乾坤懷祖德歲月正難量

鴈門關三首

崇闔迢遞百層臺峻坂陂陀一綫開僅有羽毛中
出入遙驚車騎下徘徊槃弧故壘風雲散振旅荒
祠草樹摧獨苦春閨勞倚竚征人不與鴈同來
重巒天設隼墉豪尚憶皇威右顧勞那得一夫騰

自倚空餘千嶂屹相高峰鄰句注虛殘戍月照滹
沱冷逝濤一賦哀鴻違晚角中原鐵騎日蕭騷
暮厓縹緲漢時城粉堞孤危走畫旌但說北門封
絕塞愁傳西輔撼神京榛蕪漸闢樓煩道鳥雀初
棲廣武營辛苦籌邊陳代伯坐揮白羽暮雲清

孫督師郊園二首

沿堤水擁數家村抱郭春開十畝樽世變鶯花空
繫主臺荒歌吹莽經門浮雲似帶嶠函色積雨難
招郊廓魂剩有孤亭瞻野戍清笳幾處送黃昏
重開軍府事蹉跎未整戎行已渡河選甲猶臨羣
盜窟呼庚遽倒總戎戈烏啼老磧生烟靄柳散平
沙長薜蘿悵望山林頻駐馬他時更欲泛池荷

偶然作

青青楊柳枝娟娟碧水流年少彼妹子采桑行道
周新妝妙一世細步閒且幽顧見雙鴛鴦聯翩恣
夷猶含睇杼微怨寘筐倚中洲願言往從之辭拙
乖謬修鳴鳥寧足託軒車且復休曠焉秦羅敷高
節古莫求

象魏

象魏更朝漏絲綸亂暮鐘羣才歸仗馬一氣接從

龍秘帙邊愁入降王甲第重相傳揚末命玉几未
從容

蘇使君座中見石生詩集有懷

保德州蘇舊
邠牧得稱使

君

秦晉既接壤大河遙相屬河西憶故人老病傷幽
獨使君存夙好佳句照行麓展卷爽秋籟驚濤噴
座隩人生苦參商一別違嶽瀆魚鴈深且長每難
及空谷扁舟亦可操欲往迷前躅脉脉東逝水無
因訴衷曲

保德姜節婦詩二首 并序

蘇使君守保德部民婦姜年二十而夫歿
其父欲嫁之氏請歸告之姑夜半自經使
君具棺衾合葬輓以二詩用韻和之

霜滿河洲樹色濃素車丹旆鬱相從路人投足爭
流涕鄰女含悲亦罷舂五里徘徊飛孔雀雙墻左
右植青松採聲無自達天表搔首林濤雲萬重
中壘圖高引興長偶來幽谷攬遺芳暮霞寒抱空
闈月春草愁凝絕塞香有客觀風聞晉乘誰家取
婦必齊姜使君爲政今如此不比當年陌上桑

畱別蘇使君三首

尚憶蒲津渡褰裳送北征車裘長假客陸海正聞
兵旅舍連牀久歸帆隔岸橫只今重請郡能不置
秦聲

最羨河魚美相招代馬來徵歌憐老大縱飲臥崔
嵬晚翠孤城出春花亂水開後期難預指離席首
重廻

愛客親爲秫懷人共倚樓水邊聚陶穴天上落漁
舟玉麈談深見驪駒日暮畱交情付公等未敢薄
諸侯

重憩鴈門關五首

霓旌天半護烽臺鳥道雲迷望或開水擁南河吹
日轉門迎北斗過關來秦城萬仞徒空說漢騎千
羣莫漫猜自昔禁中煩拊髀將軍尤亟守邊才
遙嶺哀笳走塞陰磧亭搔首一沾襟羽書迢遞傳
西北營壘淒涼閱古今烟繞遊絲春色澹樹連飛
翠夕陽深椎牛射虎懷前史野廟殘碑入故林
重樓百雉杳難攀畫棟晴臨列巘間地接雲州盤
大漠天封冀野作高山烟塵收保人何處雨雪長
征鴈獨還谷口紛紛藏晚嘯防秋鼓角未應閒
礪戶蕭條起暮春班荆指點對前峰誰教阿閣凌

孤隼信有平池匯九龍

地有九龍池

峭壑瀑垂青嶂雪

虛垣聲落紫厓松近來輪輓茫無據寥落邊儲總自供

逶迤細路薄層霄飲馬寒塘帶石橋月出疎林春歷歷風鳴遠戍夜蕭蕭江湖轉鬪熊羆盡壁障飄零鶴鶴遙候吏忽傳馳絳節關門明日獵輕鏹

羅南擢威遠令取別雁門刺入走筆志喜

故人移宦檄頻催行色悽悽轉自哀惜寄尺書瞻嶽返驚聞匹馬出關來燈花已兆連宵夢雀語還畱盡日杯百里劍南民散極艱辛初試濟川才

綠牡丹

名花藏異撰矯矯出叢苔對覺高嵐盡潛移積水開金莖看獨得翠鳥坐相猜莫漫同羣卉松筠一色來

送羅南入蜀馬上口號

脂車冉冉動前期送客城南水一涯眼底數杯須好盡天涯明日不重持

趙驃騎出麗人佐酒請賦瓶中綠牡丹

兩鬟直千萬相漾數枝開未解青緗帙偏傾碧玉杯遠山迷坐右空翠落筵隈恰恰鶯啼處尋春莫

妄猜

四月十三日紀異

歲在重光
赤奮若

落日滿輪赤西山飛翠濶移時月東上厥色猶彷彿長空捲片雲照地光全沒籬外衆木深起行相摩憂自春徂不雨陽亢論難奪倘復悔蘊隆滂沱應時發語多雜兵端師久愆薄伐末議牽重陰宮闈說恍惚嗚呼天道遠冥測亦徒聒休咎在人事懼若不識察庶徵舍主德爲象如毫髮汎汎任衆口將無忘其物

蘇使君至雁門夜不及晤走柬二首

聞君太原道適館又經旬窮擬旋征旆應來問故人天開青嶂月地迴白榆春數傍驚禽起舉簾未覺頻

五馬初連境雙魚忽到門登臺攀草樹命駕迫黃昏已盡中宵燭虛畱細雨罇維藩明擁篲更得醉西園

瓶中芍藥二首

藥欄邊地少晨起注瓶枝客自傷僑寓君如感舊時馨香風處發潑灑雨中姿別恨沈吟久無繇贈所思

江雲愁日暮海水覺天寒獨爲繁華惜誰同遠道
看琴書聊恣賞坐嘯欲忘餐未忍前修替還來徒
露盤

紀雨

美陳使君
祺公先生

前歲關中旱五原小有年親見我西伯上書于昊
天舉燎忽滂沛枯苗重一鮮遺愛追比芾口碑甚
流泉及夫東臨代飛颺久蔓延公起謂僚吏召災
觀所先斯民亦何罪坐視其播遷推縱有條紀苦
憂中若煎令行尚未究甘雨紛盈前更慮溝澮涸
諸君幸勉旃

受祺堂詩卷之三

中南山人荆東李因篤子德著

早秋遊五臺道憩鵝口同家舅石臣陳端伯弟
子立

谷轉微風出溪迴曲徑遮雙厓通鳥道獨戍有人
家已飽黃精饌閒搜白石華聞香披戶牖傍水坐
雲霞

碧摩厓

有序

宿秘魔厓舅氏易之以碧摩命予誌以詩
厓出北辰下客從西極來歎歌渾野興山水自真

受禪堂詩卷三
才古壑幽蛟起高椽蚤露催松風新籟溢披拂舊
莓苔

同端伯立上碧摩五里觀龍潭

僧詫龍潭勝吾懷鶴頂遊到厓孤洞沒隔岸萬松
流坐久微沾雨憑高蚤悟秋下方有清磬遺響出
丹樓

宿碧摩厓方丈

幽花媚澗底暝日浮林端微雨自西來石橋生暮
寒遙遙南嶺松鬱鬱虬龍盤千株蔭一氣萬古青
瑯玕登臨意轉愜倏忽踰層巒峭壁漸迴合空泉
增波瀾東峰迴獨出列巘歸巘岼下有老開士中
年解儒冠繫馬從揮塵張燈及授餐榛栗不外取
菽葵良非難語深兼往事回首涕闌干此刹初全
盛規模儘足觀高殿百餘所側身天地寬雲中嘯
奔兕夏屋來揭竿衷甲紉繡葆殺牛爨白檀池灰
望猶熾杵血漂未乾子遺逃歿去江海何漫漫比
聞旣稍戢感故心悲酸策杖吁其徒茅籬手自搏
數椽麤庇客終坐慘無歡俛仰感人腸滄桑多浩
歎長吟倚畫榭片月懸飛湍

大明巖口號

受禪堂詩卷三
二
松風習習透層灣六月花開谷口山多少王孫迷
舊路白雲空抱帝鄉還

止永安寺有感

昨暮碧摩厓新題碧摩字愛彼松陰清稍令休車
騎壯哉陳伯子看山得遺意遠探五龍泉相顧無
遐棄衰顏去須扶峻坂歸匪易晚分伊蒲饌縱論
十年事語際生悲歌鐘動未成寐雙瞳壓五嶽炯
如天畔慧待旦卽束裝貪遊俱忘瘁健兒繫野獐
霹靂當空墜驚魂乍有無感物意不遂繫馬大明
巖招鹿永安寺卽看麟鳳姿養生資神智優游雲
霄間獵者焉能刺

題永安光公壁用韻二首

得見高山士餘生歛自悲好雲畱石上幽樹繞河
潛白日觀身淺滄洲託賦遲將圖酣歌榻莫問夜
何其

臺遊堪幾日客夢已多年水復山中去秋從樹杪
懸松厓寒逸響瓦閣上疎烟送老深林足何人判
夙緣

清涼寺

層壑牽雲至羣松一色寒臨深畱朔馬吐梵得南

冠楚寺有僧嶂剖岑樓碧花明遠樹丹秋期山更近

瑟曉鐘殘

羅漢洞

洞口溪聲住捫蘿訊廣長萬年青嶂色一擔白雲
裝倒壑噴高雪飛巖帶夕陽人天清淨裡不擬復
深藏

登清凉閣因觀洗鉢池古跡

袞袞清凉地諸峰競得名尋溪微見陌浣鉢寂無
聲鹿豕俱聯趾乾坤一解纓却憐濠水岸莊惠不
同情

古清凉僧云即自塑文殊處

不辨莊巖始還推寂滅餘移人初地勝問法上流
疎肩牖長生白開簾細簡書時有舊語已失封山
無舊草誰起漢相如

清凉石

不悟秋毫大今知泰岱微疏峰遙抗館片石共披
衣辭業看皆妄林泉到却違重期清露下直攬斗
星輝

清凉石殿上三大士

古殿空王識化身西來僕馬漫沾巾噓山靈氣千

受神堂詩卷三
四
峰雨夾路幽花六月春戶敞雲樓天並碧崖窮石
棧木爲津風雷合沓新秋至一洗臺巔萬古塵

金閣嶺閣上

入谷晴光斂停鑣暑氣醒孤嵐供遠眺細響耐深
聽石潤迴風綠燈寒背日青南臺新雨爽合譯舊
藏經

金閣壁上觀侯正鵠題唐太宗藏經詩用韻

和之

真人虎視出皇圖首闢荆榛創此都貝葉千年花
未落烟光五嶺澹如無支離天屬關雲冷寂寞秋

山閣夜孤滿目縹緗高御氣承家卜世幾能符

金閣嶺東道中口占

晝景開巖角秋雲曳樹梢壯遊危馬耳高詠肅鳥
巢古木陰陰溜虛巖藉藉茅此遊喧雜甚誰解碧
山嘲

宿白雲山寺

清涼羅諸峰中角峙之五一探幽興愜俱忘躋攀
苦金閣出躊躇日躔方卓午微泚明毛頰馳走白
雲浦谷風逶迤來吹落遠戍鼓淨域蕭然在蒼松
不可數清飈激素幢古屋飄丹縷天人生妙相几

案綴花雨山果紅垂門園芋白勝乳方丈既森肅
文章亦談吐我久耽息機北征困塵土諸緣忽盡
妄逝者將誰怙男兒寄人間富貴應早取那堪壯
齒失老與樵歌伍神仙亦難為草木行同腐誓欲
割餘髮結茅充外圃

為蘊公作

蘊公江南人以拔貢披
刺壯遊五臺遂不返

江岸傳燈起少儀塞門飛錫竟龐翁閣中雲岫開
襟遠簷外松濤入定遲客過白蓮畱置酒亭聞黃
鳥佐圍棋炎天頗喜涼風至醉臥長林一賦詩

棲賢舍過玄公簡藏處

雨色朝暎破松烟石鏡澄五峰通梵曲一水撼禪
燈案掇金蓮早經鬪白馬增蒸歆渾欲去不事涉
層冰

玄公鄉人又釋友廣公弟子傳廣已逝有感

宗風舊接五岡春

向與廣公
同居與善

別路天涯阻問津古

寺談經他日淚名山卓錫故鄉人西歸忽失浮江

葦北渡仍傳入夏薪

玄從廣
在寧夏

且喜源流皆寓日何

煩存歿共傷神

紫府菴

嶺斷空青壁橋移太白霜真人孚佛果客子愧仙

受補堂詩卷三
鄉畫冷龍蛇暗壇開伏臘長故園西道隔歸思欲
沾裳

殊象寺僧云文殊見形飯仙山肖像寺中

自攬全臺色其如意匠何寺深幽照迴山古大年
多翠樹延空黛寒溪浮碧蘿飯仙屬日久嗟汝昔
人過

六月披裘子曉風吹上方松巖寒致露石室靜聞
香緩送笙歌近高吟蟋蟀涼不知吳季札天樂幾
褰裳

塔院寺詠大塔

臺畔浮屠起規模倣帝京層雲封巖跡暴雨出龍
聲石牖千厓麗珠胎萬國平藜牀眠始覺殿閣化
如城

髮塔塔文殊髮也

一髮先儒重千秋瓦塔存烈風行鷲嶺空梵落天
門颺颺愁無着鷓鴣過不喧客途渾似寄聞法可
重論

旻青閣見董宗伯米太僕題額

塔院仍今額

寺名數易

旻青識舊樓厓蛛當戶冷石蘚

視階柔北斗衣冠夜西方涕泗秋如椽前輩筆永

藉法王雷

羅睺寺道場

宛轉峰陰靜梯梁谷水遙四山開覺境孤石志前
朝快友危相傍高松翠欲飄旅魂登眺愜誰仗鼓
鐘招

圓照寺

路隱前峰合僧依內殿深石泉清厲齒秋日澹開
襟犬臥遙疑豹蟲啼斷入琴一乘門外法何處有
知音

銅瓦寺

淨地琉璃瓦中朝想像成虛簷于嶂落暗樹一蟬
鳴夕火長垂象秋山久未晴東臺延客入急雨促
人行

菩薩頂卽事

有衲虛空住其徒數百人攬瑜諸塞俗琬琰設朝
珍覆座金枝並移牀繡幕新西戎蒙舊德朔馬耀
前津

永明奇后閣謁九蓮觀音爲神宗母孝定李

太后恭製長歌

太行西北山北來中有凌空之高臺月挂蒼巖龍

虎嘯雲生赤磧風雷哀千栢萬栢立窈窕十步五
步行徘徊縱日清凉在霄漢摳衣靈鷲逼蓬萊鷲
嶺後閣屹如峰九蓮閣中瞻聖容莊嚴具足得未
有草莽何知爭爲恭炎山忽飄孤嶼雪靜夜時落
翠微鐘秋色蒼茫弔餘趾夕陽明滅懷故封神宗
垂拱五十載太后齋居多光彩內啟祠嘗恩不遺
旁搜象教力仍逮五臺禪龕近京輔兩宮救賜兼
鼎鼐時移物換凋碧梧篆冷灰飛逐滄海出門惟
睹白雪飛澗水松風聽不違攀弓抱劍悲相向鶴
駕鸞旂久未歸此刹翻同靈光在他年彷彿魂魄
依君不見畫壁金鋪光照眼貝花隱隱發靈機

永明寺亦曰靈鷲暮立有感

鷲閣中懸何處峰
脩脩天畔五芙蓉
層臺銅柱含情露
絕壁香爐隱暮鐘
日落林泉丹嶂走
秋高戶牖白雲封
閒尋列巘將儲藥
欲傍前厓學種栢

永明阻雨不發借箸僧寮因憶棲賢之遊馳

示玄公

馬立不違風鴻飛不違伴
它鄉難獨畱遊子懷所
產炎月來清凉暮雲託
高館館端飛錫人豪邁
故鄉選延客寨重屋燒
燈作精飯四座情俱舒
翻疑

夏日短述其所傳鉢故舊聲非遠合離無恒期生
死爲悲法出門行復速酬酢事多簡靈鷲片時隔
雨聲終夜滿短牀苦卑濕不寐憂心轉感子敦維
桑天隅將共返

新霽步永明寺殿上

暮枕羣峰覺朝欄急溜滋遨遊隨野興靜坐簡新
詩碧殿悲搖草青雲貺采芝秋涼襟袖薄獨感授
衣時

遙柬祺公先生

邊樓暑色度杯餘谷口秋風着屐初謝眺看山長
在郡梁鴻託廡卽吾廬攀雲弄水愁俱愜漱石餐
枴興不疎更貰香秔多釀酒歸來把臂共躊躇
昧爽登海峰四首

夜抱扶桑日秋臨望海峰千厓噓古樹一徑引疎
鐘澗僻開花久林迴飛翠濃前樓半蕪沒斷砌落
寒春

咫尺呼羣帝微茫辨宿霞潮來高逼斗日出儼生
華艸藉輕雲濕欄侵曲磴斜雙星隱天半只可泛
浮槎

殿殿晴空濶臺荒液氣寒幽巖頻溜雨老石舊爲

受禪堂詩卷三
十一
壇谿壑開青嶂乾坤接紫瀾滄桑如一息達者竟
同看

且訝盤餐劇渾無陟降勞虛霜猶坐瓦初日漸通
濠獨嶼居仍大羣峰望欲高僧眠酬對畧罄折失
吾曹

華巖嶺

日晝如更序寒暄兩不禁磬聲緣壑細燈燄入樓
深臥鹿酣忘客饑鷹解避林開天畱梵偈閱世仿
雄心

登叶斗峰是五臺絕頂爲詩八首

振足層霄上天清玉露繁此邦連大漠何路抵中
原慘澹悲秋旅徘徊謁帝門一津開析木高問五
星源

作客愁無緒憑高興忽滋石林中古色戎馬少年
時挹斗聊彈劍寒雲偶賦詩雨花列蔬品何必羨
玄芝

迢遞黃金築淒涼碣石宮伯圖沉壯氣京國逮皇
風瀑挂丹崖裏屏臨翠巘中將培茅屋樹莫問鼎
湖弓

漢祚衰何極顏家訓未符歲華諸事杳天地一峰

孤夜月泉如練秋風草自蘇道長將母隔聊寄采
蘭圖

水散中厓白雲深衆壑迷寒潭龍獨臥密樹鳥羣
棲隨意捫星斗驚心問鼓鼙暮霞精舍北遙接故

山西

上古龍蛇窟中間祗樹林諸峰懷淨土半碣滌煩
襟雪乳傾杯數枒華綴席深客來多信宿吾醉亦
長吟

因地臺池省憑虛枕簟涼繫舟聞往籍避暑得遺
鄉嶺曲樵歌聚村中牧笛長山蹊歸一覽宿鳥共

迴翔

借箸論疆圉登樓拭旆旌清笳何處奏古戍盡人
耕塞馬嘶玄嶽關榆墮紫荆征夫休恃險虎嘯日
縱橫

藻浴池李衛公矢貫文殊處

告嶽風猶在叅禪興不羈沉潭藏日月壯士鑑鬚
眉壁護丹青老山來蛺蝶遲只今開國箭猶領半
臺池

崖側遙望古冰

一塊寒山玉團成萬歲冰隔林迴夕燒欹樹却秋

受神室詩卷三
三
螢乍霽雲輕合長天暑易蒸僧寮堪秣馬次第歷
蒼藤

暮抵翠巖峰五首

紛紛松子落秋山細雨平林一扣關碧靄數峰危
自擁丹梯千仞迴誰攀開罇古屋笙歌度汛掃長
廊鳥雀還忽憶探幽期正迫翻因脫屐坐初閒
萬壑千巖競夕陽遺垣新構滌繁霜忽臨明月思
皆淨重接香醪興欲狂戎罷烽燈聞角好厓垂蘿
薜蔭衣涼猶傳往事逢熙洽更有雄規起混茫
羣峰四望鬱嵯峨獨立中臺起浩歌極靜蛇龍吟

有待高翔鴻鵠意如何寒泉直倚青霄挂灌木叢
生白露多醉裏慨然揮從客不須騷屑話干戈

徙倚清涼知幾峰紆回良久數能從閒居自惜朱
顏改旅食相看白髮重僧處陰厓依古雪鵲巢危
閣帶疎鐘當時惠遠遲南渡咫尺何緣斬錫筇

雁門人

石林辭去復逡巡看奕呼盧夜色新野老爭傳觀
察地邊隅獨忝太平人將車佳事推猶子下榻清
光動比鄰自昔五臺稱險要須畱良牧在風塵

端伯

觀察猶子

紫霞谷晤西公

西公亦予鄉人

路出中峰草芊芊紫霞東望山可憐
數聲霹靂谷似動垂暮招提僧將眠
維桑與梓幸不隔剝棗烹葵聊隨緣
莫向秋風悲搖落故鄉前輩半學禪

失路

宛宛紫霞谷悠悠碧山寺
征馬嘶林中牧兒語雲次

碧山道中

細草平如織低雲薄代耕
馬疑新雨住人傍曉鐘
行石鉢時畱乳厓花半逸
名林荒樵路合隔水暗

聞鶯

碧山寺懷蘊真

蘊公旣杯度無復大江潯
妙諦懷初服幽居得故
林雲移孤嶂遠日抱五峰
深倚閣成微歎遙遙白
社心

重想金閣嶺

繫馬何年樹燒蔬昨暮村
高霞紅汎壑積潦翠侵
門戍卒畱城旦經厨耀帝
闈閣前逼南嶺飛雨竟
同論

金閣嶺東道中

受補堂詩卷三
雨餘攀鳥道天畔落猿聲一葉溝梁下千山暑氣平

歷登錦繡峰六首

早起尚微雨驚風森萬木白雲度嶺來延客南山麓中道謝徒旅策險凌重谷一鳥啼林端蕭然天地肅人說仙花塔曼殊所親築細徑倚山開單車不轉轂兵戈忽滿眼霜雪殘茅屋被緇數遣人江湖如聚族導我爲遐覽褰裳俯層陸歷歷羣崖飛迢迢衆壑伏蒼嵐旣各異翠嶂還相屬雄圖帶燕趙漢索分疆牧西南有奇峰削立當幽獨聞是古臺跡石塵振衣速

灼灼金蓮枝清涼六月息最後登南峰看花識太極隔岸聞妙香停鑣炫殊色古卉誇祗園何時入中國健兒爭下馬危岫相攀陟采采人一束峩峩增新飾顧此花木情山川各有則移之出山外轉使見者惑

中原全盛日獨有世宗朝覺士依淨域結廬在山椒飛泉自澹蕩落靄何峒堯古巖藏冰雪炎日慘不消所悲劫火生池底寒灰饒杖錫今誰子艱辛仰素標荒山闢草萊阿閣橫雲霄問其所營貲撮

受補堂詩卷三
土皆責徭蔬果稍自植徂猿時相要賴有賢使君
多方慰蕭條客來勉成禮四座風俱超昔人久寂
寞何處容遺樵

陳子好山水幽尋無遠近翼我逍遙行中情若合
筍數日山蹊間徐看跬步謹南厓眼忽豁百丈平
如軫壯年氣飛動對此難自忍見子馳馬先何敢
辟不敏烈士欽英風艱危無所忿遙遙曠世懷那
隨星霜隕吾賢足風流勝地爲招引尋常類木雞
登覽疾秋隼世人安蓬蒿翻向大鵬哂豈知圖南
意行待培風盡

日午山欲曛松陰得高坐玄公感意氣夙駕振柔
愞乃云飛錫初適阻此峰臥冬夜如年長雪花比
掌大細竇哀響侵重幃烈風破寒冰漬短衲半偈
成幽課平明石牖開幾壓茅簷控空垣起五峰鑿
穴相經過所志在巖棲何往無輒軻樵採旣不達
涉旬甘長餓賤子慕蕭疎低回牽網羅恨不及斯
役白雲一倡和

五臺五百里五峰插天半去去扳夏雲勞勞如秋
燕南谷哮豺豹茂林正葱蒨僕夫促人歸數告西
日晏顥氣浮諸峰晴霞倏萬變依然辭執友臨岐

增淒斷曲徑迷古松尋蹊繞危澗虬幹交馬足鶴
巢拂人面逡巡落葉中漸與溪山判忽疑所坐厓
天際遙相見返照曳重陰涼颺下絕斥逸興倘不
竭探奇終須徧

望挂月峰十絕句

四望名山秋色青清涼各自發新硯獨憐挂月峰
頭月遙夜光寒處土星

攬衣天外得狂歌他日幽尋許再過自采金蓮奉
白帝因觴玉露醉黃河

枯桑何自識天風石壑霾雲鬱未通西嶺似畱奇
絕處阮公非爲泣途窮

新秋好月下蓬瀛舊是西峰獨擅名肯向峰頭拚
一醉秋天逾白月逾清

峰南烟雨到初開忽阻良朋結駟回倘畏動予桑
梓念西臺何似望鄉臺

支公多癖亦吾師獨眺寒林有所思不見北風依
代馬愁論越鳥在南枝

挂月峰高障薜蘿秋來月色定如何曼殊南倚仙
花住塢畔清光似更多

仙花塔在南
峰曼殊居之

臨岐惆悵罷登臨一發新醅興不禁譬似讀書觀

大意瑯琊千載是知音

鴈門明月照秦天一片清涼不記年遂有衆山頻
託賦何妨孤嶼夜聞禪

蟬鳴古樹一山闌旅旆秋清掛暮雲同倚蒼藤深
待月露花凝席白紛紛

返清涼石四首

清涼臺畔草蕭蕭冰泛秋霖渡石橋絕境烟霞明
好共他鄉風雨客身遙三千覺界通殊域十萬王

程抵

聖朝

西域人至五臺者計路十萬里

稍待青松開霽景重

披紫羅間漁樵

天高木落鴈南飛坐歎層臺客未歸茹越烽烟清

野戍林胡禾黍澹秋輝風潭蕩蕩魚波老雪磴陰

陰花氣微欲遣暮寒須酒力鳴蟬林外莫相違

茹越

林胡皆地名

暑退千巖白露生厓門回首思縱橫緣谿藉草觀

山漲落日傾罇待月明五岳長憐婚嫁隔中宵頗

憶竹書清故園枌菊今何似天外秋光接渭城

山蹊新月照滄浪大火西流夜未央座上御風寒

受裕杯終洗馬爛生光地深豺虎千峰戍天劃幽

并七月霜非爲潛期仍近野但容高枕亦吾鄉

受禱堂詩卷三
清涼石畱別玄公

玄公忼爽支公倫邂逅風流難具陳揮塵四座天
花落據牀一唱幽谷春憶昨秋風正瀟灑重尋石
徑宿蓮社盈盈新爨疊深更鬱鬱濁醪浮衆竿詰
朝聞予出南峰自控高足遙相從虎跡縱橫無所
畏馬蹄馳驟還能工畱連西下清涼院頓覺離愁
在顏面爲送陶潛過虎溪破歡成涕紛如霰

寄別西公

憶逐星杓右微吟谷路南畱歡詢故國送別過深
潭夜色中峰霽秋光四嶺含出臺眠不穩相念紫

霞嵐

大明巖別馮秦宇都尉

馮秦人

都尉亦秦產出防居五臺驂驪分客去部曲過山
來獵蜀秋天豁驪樽日暮催五原多將系因爾一
徘徊

將達碧摩厓回首五峰馬上占十絕句

山外一乾坤山行如伯仲雙屐此初閒五峰翻似
夢

冉冉出重厓茫茫時自失山情在平原風雨畱十
日

百丈飛泉落千峰霽色寒雲霞無復道努力勸加餐

頗愛烟嵐別深知虎豹隨四山親載酒孤嶺望題詩

曉雨臺池淨秋山草木和昔時飛錫者長見白雲過

清涼送山色片石在山中六月吾來此披襟坐御風

秋風溪畔起白雲寒欲流客與雲俱去悠然山下秋

酒肆陶彭澤山居支道林吾生何後汝千載得同心

高坐無漢語惡其酬對煩新詩忽自哂難與衆人言

萬壑秋風裡千厓夕照中依然入城路能不愧龐公

重宿碧摩厓二十韻

醉攬清涼色臨厓肺病醒雲歸天轉靜雨至客初

停峻壁過來紫寒松淒以青

碧摩之松于五臺獨秀

階攀旁

樹入戶啟夕嵐肩雞犬乍相忘樓臺深所經開襟

疑翠閣洗硯漱泉亭宿衲頻看好新齋
可銘花枝幽照座燭影翠輸瓶遠戍移秋月長廊出夜霆
蛟龍纏赤彩鵬鳥發滄溟忽感三秋賦高懸片石
矧空林悲契潤壯齒付飄零井稅渾無緒干戈鬱
未寧登山披落木飲馬接流萍漏擁中林霽帷張
大壑星餘滋鳴石曰哀響急沙汀冉冉多垂籜飛
飛有健翎古巖成坐嘯良友對儀刑杖屨邊陲及
笙歌幕府聽禪棲遶曠野逸興倚郊坰

呈舅氏石臣先生

獨遶關雲至同驅代馬來入山隨杖履拈酒坐莓

苔野興歸仍適狂歌起就裁雁門秋思近花徑別

筵催

東端伯

隋書盧大翌隱居五臺山多藥
物蕭然絕世謂神仙可致也

舊跡懷高士良朋委壯遊黍禾千頃色風雨四山
秋曲好稀賡和杯深脫獻酬論交憐濟美須向竹
林求

示弟子立

絕漠登樓罷深林負笈歸石巖松皎皎秋樹日輝
輝浩野歌初放寒溪醉不違汝曹舒健翮吾老故
山薇

出山絕句

壯日不聞道名山空復歸賦詩多造次聯騎有光輝

受祺堂詩卷之五

中南山人荆東李因篤子德著

立秋二首

一違鳳城月三改鴈門秋北塞飛霜早西風落葉浮壯心頻倚劍愁思獨登樓轉羨白雲急遙通關隴游

蒸霖裁過眼宿霧復沾纓樹老畱深翠籬開動遠明天邊歸鴈色戶外搗衣聲濁釀吾憐汝攜壺細細傾

柏隙觀月八舅刺史翁命賦

夜影臨池澗空光抱樹流驟飛憐翠鳥高臥隱明
虬皓寫柯條化紛垂枕簟幽悄然聞遠笛西北有
高樓

寄蘇使君林濤

頻催秣馬踐長橋却阻驕霖斂去鑣宴豆連年秋
嶂合吟帷此夜月明遙空嗟出塞淹蓬鬢未報移
官慰折腰鬱鬱愁心遣雙鯉時時徙倚望層霄

七夕二首

羣星分顯晦一氣動波瀾相對參商似獨爲牛女
難杼機經歲作河漢轉蓬看欲識君心苦金風曉

露寒

世人凝眺處離合不同論萬古雙星節孤城七夕
罇彩雲憐浩渺烏鵲解騫奔詰宿明河岸迢迢望
帝孫

喜晴六首

暑雨三旬臥秋晴一葉聞碧山俱歷歷萋草各薰
薰未妥林臯景還疑日暮雲遣懷成緩帶徐步野
鷗羣

塞角初高起天河遽改流占星思往事對月灑沈
憂幾處鳴碓急誰家弄笛適地寒風力猛須補舊

征裘

一晌梳頭嬾三更罷酒遲伏雷餘勇奮零露早涼
吹紫燕行何適清蟬聒正悲安居生旅興暫做讀
書帷

葺瓦人登屋持竿自曝衣晨風舒翼遠曉卉襲香
微骨肉連宵夢音書數月違白雲疎在目遙愛北
堂暉

粉堞凌蒼隼黃榆動綵鴻偶提囊底劍隨取壁間
弓擬射長城磧將探碣石宮壯圖貧失緒聊復避
墻東

亂木沿池迴孤亭落照繁仍沾遺暑濕轉苦聚蟲
喧脫屐閒除徑分蔬笑入園奚童收藥裹踞坐一
忘言

貞燕篇爲涇陽趙母劉太孺人作卽寄元深
同學

鴛鴦集桂樹孔雀鳴高梧不及天水燕清輝里間
孚我聞賢母手生有落花圖堂上見開府惜之如
掌珠于歸孝廉室弱冠爲俊厨君舅啟絳帳授經
盈其廬過庭靡異訓久次更相於旣萃鄉國彥頻
來四方車時時陳罇酒事事應所須遂就夫子德

受補生詩卷五
三
成名信羣儒兔絲附松下枝葉初得舒中道乖比
翼結根失連株尊章並華髮襁褓遺彩雛自念未
亡人尤難惟撫孤洗牀躬操作椎布茹苦荼奉事
八九載憂勞不勝書皇天載降割負痛承寡姑獨
立持門戶森然一丈夫雞鳴泣盥櫛欲進還踟躕
晨省及閣內強顏成敷腴將兒辟績側儼若生徒
俱弓冶垂兩世責茲藐焉軀爰能啟苞鳳步步趨
亦趨詞翰久照耀友聲凌雲衢勗來慈義道披寫
肝膈輸拜跪展家傳葳蕤延四隅緬維玄鳥祥飛
繞此門樞銜恤歛獨返百年安棲居自從滄桑來
朝暮嚮背殊庶以告採風貞光激寰區

綈袍

綈袍存范叔脫粟逮平津滾滾塵埃道悠悠旦暮
人不才遑自恤前事竟何陳肯得杯中酒爲歡幸
及辰

浦外

浦外過流水峰餘動落曛暴晴翻鼓濕垂暮復烝
雲爽合當風坐香畱隔院聞更深眠未穩憶在曲
江濱

瓜

五色青門種相違有幾秋不時傾水待真作破籬
求餘味沾童僕清心倚蒯緹西風一迴首觸物盡
關愁

夜露

夜露迢迢落園林寂寂寒旅愁聊託飲多病強加
餐學悔初年誤交知末路難明朝應有約傍戶理

秋蘭

浴

暮坐還能析秋天未解涼湯池清上眼壁火靜聞
香月照眠蟲出風吹宿鴈翔濯纓仍濯足隨意有

滄浪

出去聲

水蓼

秋至羣花暗朝看蓼葉叢幽枝偏近水沓蒂不妨
風蝶坐愁飄忽蟲飛接混蒙為憐寒事少霽景入
杯紅

楚客

王安生席民荊州文學時在驃騎幕

楚客久無信秋風空復勞短牀迷夢蝶團扇續離
騷似爾才偏滯為歌興自豪不辭在戎幕青鬢有
雙毛

舍弟至值予臥病行後悵然有作

舍弟經年至長途匹馬回徒勞營藥裹不及把行
杯春草連牀發風花去路催晏公推族黨真媿古
人才

白馬

趙驃騎馬時
假于太原

白馬怒行邊嘶風久護前影排千匹濶雲散五花
燃决逐如人意馴良托主賢渡河初掉首應惜錦
鞍韉

七月十五夜

浩浩中元月淒淒朔塞逢啼門猶近古插穀自為
恭代俗是夕皆哭其
先又懸新穀門上燭隙飄寒燧風餘落暮春諸

阡疎濶甚節夕淚痕重

未得

未得歸朝信南征事若何普天兼水旱終日只兵
戈吏術轉相飾 皇猷空自多安能 清淨擊壤
再聞歌

近說

近說湖南北紛然大帥齊不聞皆遇巷何路忽成
蹊繫脫星羣走籠寬鳥亂啼 朝恩兼用過 紫
誥費新泥

莎雞

受補堂詩卷五
六
莎雞宜在野七月坐聞聲似入琴書亂渾疑枕席
盈避寒從塞俗娛客訴幽情徙倚愁相和悠然遠
興生

汲公

汲公高臥處曹相醉呼時日日俱如此人人聽可
之澹忘應自足科指亦安施若問周官故何曾置
一辭

尚憶

尚憶憂雲漢還書大雨霖客居詩自遣鄉思坐相
侵步窘秋亭窄簾高暮角深孤峰淹豹霧萬壑醉

龍吟

二李

滄溟表齊幟北地本秦風絕構皆千古雄才有二
公雪嵐嘗抱日金剛久摩空薄晒看流輩江河逐
漸東

讀史

尚論闕文及吾衰誰與謀三皇無定位二伯不深
求但使行生遂何勞混沌愁獲麟誠絕筆猶著幾
春秋

獨坐

獨坐秋聲急微霑露氣醒暮雲屯落燒高樹沒空
青杜甫詩如史楊雄賦得經行藏雙鬢禿天地一
浮萍

得劉八石生書却寄二首

樹外輕雲擁別巵春朝黯淡憶歸時薜蘿仍發幽
棲蔭楊柳空長折贈絲千里入門隨戒馬十年多
病到占蒼頡聞韋杜能畱客紅藥叢中見紫芝
秋風有信倍淒然入塞移家事尚懸白閣難尋同
邸賦黃花獨過曲江船諸侯尚許頒公廩逆旅還
愁劇酒錢吾意神仙不可致祝君健飯卽長年

聞曾大庭聞如朔方

十載江湖內春風又朔方攜家如杜甫玩世學蒙
莊客久貧無藉詩成老不妨泣麟今有作吾子亦
升堂

聞砧

含愁何所爲落涕倚雙扉萬里暮雲影千家秋月
輝時猶多戰伐客欲早旋歸不必玉關外臨風俱
攬衣

再聞水發

遠雨看雷電驚潮接混茫聲驅千嶂落氣抱一城

涼仰月裁知外爲河未可量當時臨瓠子湛玉爲
宣房

朝晴

夜雨不知住秋陽如近人寒花猶到眼乳酪亦沾
脣水出魚相競風迴鳥自親茂陵車馬絕愁日著
書頻

不解

不解客行樂如何秋未歸晚花多抱子賓鴈已成
飛水落汀葭暗霜晴塞柳稀同袍疎永夕彷彿見
重幃

師行

師行何日返古史責攸歸信宿還書次淹旬未解
圍雨中青草沒城上赤雲飛大帥方安枕朝來令
甲稀

安穩

安穩西階石風雷昨夜停高暉流澹澹爽籟肅冷
冷傍架山雲白侵簾砌草青秋來諸事懶外戶只
長局

得寧人先生詩有感

泰伯三吳俗豳風一氣春君才雄後起吾道得先

受禮堂詩卷五
九
民格論微無間新詩妙入神秋深登華岳一問博
臺津

約生表兄近詩斐然喜賦短句

外氏名家業吾兄肯讓人葛裘爲客改風雨賦詩
新有榻容高臥安車出後塵懸知歸里日斗酒足
爲鄰

補清明

瞥失落花記風塵秋復清幾人開上巳何日賦絲
庚野哭乾坤晚春愁蟋蟀鳴辟寒兼藥餌玄鳥舊
關情

秋雪

秋雪明無理山光照若空莎雞遷野色螻蟻識天
風客鬢今年換歸心去日同若逢吳季子真是被
裘翁

獨立

獨立朝暉上疑霜宿露中梧桐長淺碧石竹老殷
紅野戍旌旗滿城樓鬻策工關雲時在望不忍背
西風

趙驃騎蒼篆初度有感

客裏誰招託將軍有故人何期生日酒不似舊年

春節序看俱過河山告所親知音玄賞得吾願不
俱陳

懷瓜圃二首

落落髯公去相思歲又更種瓜藏系本逃酒見平
生妄有江東信長寒渭北盟小樓懸短榻塵垢不
勝情

學道憐遲暮行吟有是非他時同我出此意到君
稀世事宜高枕山風好下幃寧須湖海上別搆釣
魚磯

趙子二首

趙子一時傑逃名人未知蕭騷常見性二十早能
詩風壯白渠水野多紅樹枝此中安嘯樂何似北
征時

吾嘗憐汝直世已病予狂刻意翻多累隨緣足兩
忘秋陰齊樹淡夜氣浸燈涼客夢思舟楫蒹葭渭
水陽

鴈門秋日三首

山城河水日滔滔白日黃雲滿塞壕古障空懸西
景暮秋陰不斷朔風高無邊觜策攢深壘幾處牛
羊走亂蒿徙倚蓬扉歸未定霜花猶照舊綈袍

鴈門秋色鬱崔嵬表裏州圖亦壯哉鼓角新歸驃
騎府烟塵久閉度支臺猶堪百兩戎車去不復干
羣汗馬來最是關城通口北銅符竹節互相催
逋民下令治窮邊一代三章此最先露處已深閭
左日塗吟何似董逃篇滹沱野水吞溝澮楚蜀軍
儲歷歲年君慎勿言王路近幸非王路少王田

秋興十首

使節臨東路軍糈及兩關江湖輸輓濶部領度支
閒水長飛狐口峰高落鴈灣壯遊違舉步秋氣苦
催顏

鎮朔城爲驛傳郵吏攝防兩河衝市暗羣草漫山
黃犢挂新耕壘鶯啼古戰場抱關遭所識曾與賦
東光

復戶人誰是開荒野自如中原無竄草太府出新
書帳聚羣羗合烟移比屋疎每懷寬大詔重睹塞
垣初

地下高田晚谿明暗水饒羽書時有至雷電日難
調廣武懸軍薄居庸遞馬遙客居逢歲儉林壑畏
風颺

鴈門爲郡久何代易今名附郭渾無縣從商半是

兵東聯燕上谷北出趙長城月下吹蘆管殘疆幾處聲

李牧祠坊迴孤陁俎豆存開邊連大磧饗士只荒屯絕壁鵬秋站空山虎夜蹲斯人不可起宿恨滿

關門

百戰沙沱李桑榆說晉王梵宮遺冤服丘隴逮明莊潦捍村隄固香畱塞菊長英魂照三矢白日敞迴廊

滹沱不同本浩淼合城涯岸圻波沈石川平樹帶沙青岑封牧豎粉堞臥龍蛇落日頻搔首瞻烏迹

正賒

中丞歲持節此郡坐防秋句注晴雲捲樓煩曉角流猶聞封使院不復到邊州古戍虛恒朔霜天萬里愁

八月諸峰好清涼翠巘開徒傳高士蹟不辨繫舟臺老雪懸明鏡幽松抱蟄雷登臨須地主獨仗楨

川才

謂陳祺公先生

壽蘇大看雪

賓筵未冷落花叢曉戍侵霜歎轉蓬流水乾坤成晚序故人關塞起秋風相憐彼美白華賦自謂吾

師黃石公安得長房移地縮與君同醉月明中

刺史八舅自太原書至

往事沾襟日他鄉把臂初事無班馬助人自早鴻
疎冷露猶淹邸長風忽寓書客身俱未定千里共
躊躇

聞道

自顧不聞道悠悠將奈何壯心愁已折羣籍悔空
多歲月看鴻鴈乾坤寄薜蘿前途方浩浩努力御
風過

冉冉

冉冉涼風至其如歲暮何遊絲垂戶牖逸響出烟
蘿半日攤書罷斜陽隱几過東籬頻夢得興入故
園多

寄姜肇周

南山疏翠接叢苔愛汝柴扉背市迴臥覺孤城秋
有客肩隨諸弟少多才河邊雪鯉三旬共塞上黃
花八月開別後思君情不減春風重許醉新醅

雨

向午有微雨蕭然齋閣涼雙扉侵蟋蟀一枕到羲
皇花氣陰陰縱雲峰脊脊強中秋將次近莫遣庚

樓妨

八月十四夜月二首

細雨移時息高輝隔夜團管絃明古塞枳桂憶長
安翠嶂波逾委青林色正寒三秋長作客萬慮獨
凭欄

絕漠無遺照中天故放晴坐深羗管發風起戍烏
鳴極目星河澹回頭驛路清故鄉同皎皎佳夕思
縱橫

十五夜月六首

陳使君
席上作

雨過空光湧登樓倍可憐千厓環野盡一水背城

懸玉杵寒初急金波皓正圓更隨公讌久相對物
華鮮

絡緯纏東壁笙歌度北亭清商天半起白露夜深
零爽壑銜微蕙陰厓約數星捲蘆何處曲愁絕不
堪聽

羣坐徒空去寒輝迴自深已兼蘆荻浦不辨雪霜
岑宿鳥淒疎落征鴻遠奮吟中宵光不改徒倚故
園心

影徹虛垣曉輪開永夜清獨存行邁色長鑒別離
情顥接西陲近霜涵北極明振衣歸自審飛鏡幾

回橫

白髮他鄉早丹梯萬仞看滄桑如晦望人世有悲
歡畫榭畱疎角明河落綺湍鴈門秋色裏蟾兔爾
同寒

終古青霄上于今素女愁孤高難自照光彩為誰

畱迴忘衣裳薄真探草樹幽故山明月下遙對北

堂秋敝村北山
曰明月山

砧

隔戶鳴螿迴誰家搗練遲臨風吹轉切對月照增
悲草木知霜露關河戀虎貔悠然征戍耳萬里遠

如期

聞雁

天半九秋聲羣飛一色清順風呼下疾餘照著來
明歲月多違土江湖遠向榮寄言行役客霜落舊
邊城

送約生表兄西歸

去年與君發故鄉春草含碧柳初黃雨雪聯鑣二
十日東馳西顧何茫茫是時君作鼓盆曲行旅聞
之皆慘傷岐路寒暉照汾水我過石嶺君太行太
行山高猶未高人事翻覆如波濤晚得諸侯北入

代天涯傾蓋分綈袍男兒會當有知己骨肉何遽
輕一毛肝膽互披向明月酒酣渾欲拔佩刀前除
列坐多佳客上郡劉生氣最豪泚筆親題孝子巷
新銘更荷雄藩勞二公立言言並妙巖穴所至矜
幽照判袂中原忽至今班荆絕塞誰能料爰從舅
氏灑頸血土冷木長無光耀此巷此銘置人間重
泉亦應開口笑使君鴈門頻掃榻太守河上雅同
調貽縞爲帶紵爲衣警車在途川得掉榴花五月
照君旌露冷霜飛始送行將謂歸裝故園解豈知
坎壈中道生秋來蒹葭又徧野且復鬱鬱計長征

况是仲冬花燭節開書視曆利此月兒纔外傅女
別席秣馬驅風安能歇

長城

長城近接雁門關絕漠雲飛萬堞閒牧笛吹來猶
漢月邊榆墮處是秦山椎牛舊蹟蒿蓬裏飲馬新
軍雨雪間趙代興亡皆有恨雄封空自鎖烟鬟

答蘇紫煥薊門喜予得子之作

城南里社半凋零爾臥長林戶獨扃憶與諸公分
上巳曾來匹馬託居亭懷子豚犬心猶切入世龍
蛇老更經每把報書愆日暮徒勞風雨望秋溟

病

敢謂貧非病多愁動損神讀書欹枕短開戶著衣
頻石徑疎行屐烟谿冷釣綸栖栖何所事惜老異
鄉塵

寄八舅

相去纔千里相思又一秋秦風遵自出塞月照同
愁旅食從人寄征衣只有謀曩來慚折柳垂涕把
吳鉤

嫋嫋

嫋嫋深秋雨苔疎淨白沙數蠅依火立羣雀傍簷
遮遠霧摧厓木微風撼徑花敝裘不禦冷濁酒更
須賒

懷趙大元深

細雨長安戀別樽淹畱絕塞異寒溫依稀涇渭長
來夢契濶求羊獨閉門束帛遂繁慈母壽封書遙
寄孝廉村萊衣羨爾承顏得客袖時沾涕淚痕

溫大桐伯遣人報尊徵君訃繼告十月襄事

奉詩代唁二首

半尺哀緘下定羗聞君洒血漬麻裳白華無字吹
還出黃鳥含悲叫在傍閭里遂空三老坐廟宮終

妥百年觴端門祖德遺弓冶努力諸孫已雁行
予廢蓼莪無所從痛連吾黨折鳩筇絮雞總使傳
千里車馬何繇逮孟冬苦雨傷心書再至疑霜和
淚坎初封他時相唁來東閣彷彿梅花識舊容

答溫子翱

故人紈扇好持贈下殊方浦漉初聞雁蒹葭已帶
霜北流汾水濶西望隴雲長出入予懷袖恩情未
敢忘

九日二首

萬木西風急孤城北鴈來愁深餘攬袂病起試登

臺息雨微烟上衝寒濁釀開龍山思勝迹俯仰大
夫才

露重朝垂實籬疎野出盤水邊雲氣冷天外樹聲
乾枯菊空相憶茱萸只自看舊遊何處問回首白
雲端

對菊限西字看字

露井初移樹霜華忽滿蹊苦心經歲月高節仗提
攜彭澤尋常見樊川咫尺迷落霞關路迴迴眺萬
峰西

老有修名懼貧交遺世難九秋荒秣馬三徑入憑

欄就月壺觴適臨風步屨寒征鴻無太驟遲爾一枝看

霜節

絕漠望無際寒空如有爲蒹葭秋結浦蟋蟀暮侵
惟日短溫偏惜雲疎澹欲垂東籬歸正晚斗酒間
新炊

懷全樹先生兼爲表兄訂婚期

九月霜深木葉紅懷人早晚對西風不須一意成
孤往行約諸緣與衆同藥物常須連歲費林居小
築數椽功所親曾許新開館爲訊良辰六合中

霜

日上苔華白風飄木葉黃二儀浮澹景羣竅作清
商舊岸谿河改新烟杭稻香倚楹閒注目啼鳥遽
高翔

紅菊花二首

北榭晴光發東籬絳萼開高霞凌碧檻冷艷逼青
苔燠煦羣爭候風霜獨見才莫愁新釀竭應照白
衣來

數朶殷畱景無言稍讓黃階莫看屢易徑樹採偏
長圃隱虹霓色杯添琥珀光終教違俗眼不惜殿

羣芳

搗衣次杜韻

傍閣秋風起含愁發藁礎最憐長
及客遙繫故園心曝濯工須備
冰霜慮獨深君聽鄰杵下總是斷
腸音

苦雨

羣動將歸息重陰久錯行漏椽
侵短牖崩浪溢新聲幾片高田
熟多時積潦明嗷嗷憐澤雁凍
雨逼南征

同韻田二君看紅菊小酌

淡旬不對酒晴日到籬邊靄靄
數盆菊勞勞何處蟬涼風捎牖
住薄雪傍幃懸亦復分濃冶秋
光倍颯然

得澄一書

春渚曾先雁北征旅途歸翼早
長鳴書來塞上逢霜信客在天
涯對月明長俟河清憐趙壹漫
嗟蘭馥怨張衡飛飛預說來時
道雪壓關山十日程

得傅徵君信

河汾文獻未全空壘上乾初有
是公不卜同舟瞻郭泰徒知中
論擬王通芳期虛訊春來鳥劇
飲猶

傳雪後鴻他日葦門相候處下車應拜採桑翁

菊

白石風前皎黃花雪後多蕭蕭三徑側冉冉一蜂
過幾許關幽思時來發浩歌故園無信久秋色正
如何

鴈門邸中初雪得違字安字二首

朔氣凌晨寫空花藉地飛關颺深入夜海日暗通
輝極浦魚龍覺平林鳥雀歸故園憶梅柳愁遣素
書違

野抱黃雲濕陰凝紫塞寒霏霏侵絕戍衮衮沒層
巒出磧冰霜早懷人道路難北門頻削跡無地學
袁安

早雪

向夕剛移架朝來雪到門河陰連岸縮樹色帶風
昏獵火飛孤嶺樵歌出數屯牧兒橫短笛羊馬半
依村

答聖年五兄見懷

亂後浮家歲月淹詞人生計俗多嫌文昌自昔連
羣將武庫於今屬孝廉契濶榆關歸未卜流離隴
水信空瞻時逢吟咏牽愁緒况復迴頭雁序兼

初冬

歲晚休羣動，天空下暮霜。
薄嵐排戶入，遺照汎風涼。
作客遙經塞，登樓每憶鄉。
遣愁新釀好，不計漏聲長。

送于子上之中州

塞雁南賓盡，聞君欲渡河。
執交前路接，裘馬半生過。
夜酒催臺漏，晨風透戍歌。
上林花信早，鄉思莫蹉跎。

寄弟四首時兒陳新殤

預恐傷親意，遙爲報弟書。
臨池先哽咽，把筆自躊躇。
伯道愁相似，東門達未如。
可憐展青鏡，雙鬢比來疎。

汝嫂垂頭哭前疴，一痛深自拚寧有命相解復何心。
薄雪捎風住，昏燈帶漏沈。
隔牆誰氏宅，中夜有啼音。

琬琰初移案，熊羆驟失圖。
黃雲飄翠羽，紫塞折青梧。
卜子良朋責王公，我輩呼鄉雲。
二千里客影坐中孤。

生死原殊分，彭殤失大觀。
暗霜譙角出，淒日野陰寒。
急淚迫毛裏，殷憂摧肺肝。
北堂無過慮，西望勉

加餐

除架

薜蘿障秋邸霜霰壓冬晨已耐陰涼積何辭剪伐
頻空烟寒不住日氣淨無塵坐嘯經年久情如別
故人

除架了


疎翠還畱眼高霞忽近人地明流響落風濶篆香
新代謝天時互枯榮物候因護持應有道生意俟
來春

蒹葭

故國疎予久秋郊野岸橫天寒霜露聚水落草蟲
鳴颯颯已難屬泅泅空復情伊人不可見遠浦白
雲平

樹間

柏幹相凌出霜華半院侵暑時成散帶寒至避繁
陰宿鳥俱安往盤虬對自深蕭疎過籬壁日影帶
青岑



受神堂詩卷五

三

